

(ciep banjdaeu) gij swhsiengj youq-gaenj aendangj gvendaengz gyagiengz caeuq gaijndei hong minzczuz, baugvat hwnjdaeu miz baihlaj fuengmienh. It dwg itdingh daj gizensang gij canloz Cunghvaz Minzczuz fukhwng hungmbwk gaemdawz gij lizsij fueng' vii hong minzczuz aendangj seizdaih moq, aeu saedyienh Cunghvaz Minzczuz fukhwng hungmbwk guh gizhwnjdin caeuq gizdoekdin, dungjcouz maeuz-veh caeuq doicaenh hong minzczuz aendangj seizdaih moq. Ngeih dwg itdingh aeu doidoengh gak minzczuz vii cienzmienh hwnjguh aen guekgya yendaiva sevei cuji caezcaemh buekguh dangguh gij yinvu youqgaen hong minzczuz aendangj seizdaih moq, coicaenh gak minzczuz gaengaenjamqdin seizdaih, caezcaemh doxgiet buekguh, caezcaemh mwnhoengh hwnghat. Sam dwg itdingh aeu cukmaenh gij eiqsik caezcaemh Cunghvaz Minzczuz guh gij sienqmeh hong minzczuz aendangj seizdaih moq, doidoengh gak minzczuz giendingh nyinhdoengz guekcoj hungmbwk, Cunghvaz Minzczuz, vwnzva Cunghvaz, Cungguek Gungcanjdangj, sevei cuji miz daegsaek Cungguek, mboujduenh doicaenh hwnjguh gij caezcaemh Cunghvaz Minzczuz. Seiq dwg itdingh genhciz cinjdeng rox lizsij Cunghvaz Minzczuz, gyalai nyinhdoengz caeuq roxnyinh Cunghvaz Minzczuz miznaj. Haj dwg itdingh genhciz gak minzczuz cungj bingzdaengj, baujingq gak minzczuz caezcaemh danggya guhcawj, caeuqfaenh guenleix hongsaeh guekgya, baujang gij gienzik habfap gak cuz vnzlai. Roek dwg itdingh yaengxsang fangeiz Cunghvaz Minzczuz doxgiet hoengh, coicaenh gak minzczuz youq ndaw aen gyadingz hung Cunghvaz Minzczuz lumj ngeihsigloux ityiengh got ndaet caemh youq. Caet dwg itdingh genhciz caeuq guhndei aen cidu gizdieg minzczuz gagguen, baujmaenh dangjuncunghyangh ewngling doengrat, baujmaenh guekgya fapldw fapgvi saedhengz, haeujcoengh gak minzczuz hwnghat ginghci, guhndei ndwenngoengz beksingq, saedyienh caezcaemh hwnghat, caezcaemh baenzmiz. Bet dwg itdingh cauuhguh aen gyaranz doxcaemh Cunghvaz Minzczuz, hawj gak minzczuz sim vnz sim vnz gyonj, cingsaenz doxbaengh, guhbaenz gij diuzsai cingsaenz hung' ak

sim vnz gyonjcomz, doxgiet baenaj. Gouj dwg itdingh coicaenh gak minzczuz gvangqlangh dox baedau doxyau doxyungz, coicaenh gak minzczuz lijsiengj, saenqniemh, cingzgamj, vwnzva doxgiet doengjit, doxbang doxbaengh, beixnuengx cingz naek. Cib dwg itdingh genhciz ciuqfap guenleix hongsaeh minzczuz, doicaenh aen dihi ceihleix hongsaeh minzczuz caeuq ceihleix naengzlig yendaiva. Cib'it dwg itdingh giengiet henhoh guekgya cujgenz, ancienz, hwnghat leih'ik, son'gyauq dazyinx gak minzczuz swncienz caeuq fatyengz gyaez guek cuji cienzdoengj, gagrox henhoh guekgya doengjit, guekgya ancienz, aenbiengz onjdingh. Cibngeih dwg itdingh genhciz aendangj lingjdau hong minzczuz, daezswng gij naengzlig caeuq suiyingz gaijgez minzczuz vwndiz, guh ndei hong minzczuz. Gij swhsiengj youqgaen aendangj raeuz gvendaengz gyagiengz caeuq gaijndei hong minzczuz, dwg gij gietsig dungxcaiz saedguh caeuq lijln hong minzczuz aendangj, dwg gij gaenbonj ciuqei hong minzczuz aendangj seizdaih moq, daengx aendangj itdingh caezcingj, cinjdeng, cienzmienh gaemdawz caeuq gvancez.

Siz Ginbingz giengzdih, guh ndei hong minzczuz aendangj seizdaih moq, yaek aeu cukmaenh gij eiqsik caezcaemh Cunghvaz Minzczuz dangguh gij sienqmeh hong minzczuz aendangj. Cukmaenh gij eiqsik caezcaemh Cunghvaz Minzczuz, couhdw aeu dazyinx gak cuz beksingq gaenmaenh laeb gij leixniemh caezcaemh ndeihux caezcaemh, yungznyaenq caezcaemh, dailix caezcaemh, mingh-yinh caezcaemh. Cukmaenh gij eiqsik caezcaemh Cunghvaz Minzczuz dwg gij iugouz itdingh henhoh gaenbonj leih'ik gak minzczuz, cijmiz cukmaenh gij eiqsik caezcaemh Cunghvaz Minzczuz, cauulaeb hwnj aen cangzcwngz swhsiengj maenhsaed, gak minzczuz caezcaemh henhoh ndei guekgya ancienz caeuq aenbiengz onjdingh, cijndaej dingjhen ndei gak cungj swhsiengj yaezrwix, swhsiengj faenmbek iemqhaeu boekfan, cijndaej mboujduenh saedyienh gij siengmuengh ndwenngoengz gyaeundeidei gak cuz beksingq, cijndaej saedyienh ndei, henhoh ndei, hwnghat ndei gaenbonj leih'ik gak minzczuz. Cukmaenh gij eiqsik caezcaemh Cunghvaz Minzczuz dwg gij iugouz itdingh saedyienh Cunghvaz Minzczuz fukhwng hungmbwk, cijmiz cukmaenh gij eiqsik

caezcaemh Cunghvaz Minzczuz, cijndaej wngqdoi ndei gij fungyiemj deuqnyex gizdieg minzczuz aiq miz mwh Cunghvaz Minzczuz fukhwng hungmbwk haenx, cijndaej vii aendangj caeuq guekgya hoenghvuengh hwnghat, ciengxlwenx onjdingh daezhawj swhsiengj baujingq youqgaen. Cukmaenh gij eiqsik caezcaemh Cunghvaz Minzczuz dwg gij iugouz itdingh gyamaenh caeuq hwnghat gij gvanhaeh minzczuz sevei cuji bingzdaengj doxgiet doxbang huzndei, cijmiz cukmaenh gij eiqsik caezcaemh Cunghvaz Minzczuz, cijndaej gyalai gak minzczuz gagrox nyinhdoengz Cunghvaz Minzczuz, cuknet gij swhsiengj giekdaj hwnghat gvanhaeh minzczuz guek raeuz, doidoengh Cunghvaz Minzczuz baenz aen mingh-yinh caezcaemh nyinhdoengz engq lai, comz rengz engq ak. Cukmaenh gij eiqsik caezcaemh Cunghvaz Minzczuz dwg gij iugouz itdingh hong minzczuz aendangj haicauh gizmen moq, cijmiz swnh ei seizdaih bienvau, ciuq gij fuengyiengq gyalai gij doxdoengz gaijndei hong minzczuz, guh daengz gij doxdoengz caeuq gij doxca faensik nyinhdingh doengjit, minzczuz yinhsw caeuq gizdieg yinhsw doxgiet ndeindi, cijndaej guh ndei guh ciengzsaed guh netsaed hong minzczuz aendangj seizdaih moq.

Siz Ginbingz ceijok, hong minzczuz aendangj cauuhmoq hwnghat, couhdw aeu genhciz gij deng, diuzcingj gij gvaqseiz, engq ndei baujang gij gienzik habfap gak minzczuz vnzlai. Aeu cinjdeng gaemdawz gvanhaeh gij doxdoengz caeuq gij doxca, gyalai gij doxdoengz, aeueiq caeuq bauyungz gij doxca dwg gij yenzcwz youqgaen hong minzczuz. Aeu cinjdeng gaemdawz gvanhaeh gij eiqsik caezcaemh Cunghvaz Minzczuz caeuq gij eiqsik gak minzczuz, dazyinx gak minzczuz itloh aeu gij leih'ik Cunghvaz Minzczuz baij youq vii daeuz, gij eiqsik minzczuz bonjfaenh aeu fugcoengz caeuq fugsah gij eiqsik caezcaemh Cunghvaz Minzczuz, doengzseiz youq mwh saedyienh ndei gij leih'ik cingjdaej caezcaemh Cunghvaz Minzczuz aeu saedyienh ndei gij leih'ik gidij gak minzczuz, gij cuji Bouxgun hung caeuq gij cuji minzczuz deihfueng cungj doiq hwnjguh gij caezcaemh Cunghvaz Minzczuz mbouj miz leih. Aeu cinjdeng gaemdawz gvanhaeh vwnzva Cunghvaz caeuq vwnzva gak minzczuz, vwnzva cienzdoengj maenndei gak minzczuz dwg

dingz gapbaenz vwnzva Cunghvaz, vwnzva Cunghvaz dwg ganjdaeu, vwnzva gak minzczuz dwg nye mbaw, rag laeg ganj hung cijndaej nye lai mbaw mwn. Aeu cinjdeng gaemdawz gvanhaeh doxgaiq caeuq cingsaenz, aeu hawj sojmiz gaijgwz hwnghat miz yiyi gij eiqsik caezcaemh Cunghvaz Minzczuz, miz gij yiyi henhoh doengjit, fanjdoi faenmbek, miz gij yiyi gaijndei ndwenngoengz beksingq, gyonjcomz sim vnz, hawj gij caezcaemh Cunghvaz Minzczuz maenhdwdt.

Siz Ginbingz giengzdih, cukmaenh gij eiqsik caezcaemh Cunghvaz Minzczuz dwg gij "gang" hong minzczuz aendangj seizdaih moq, sojmiz hong aeu coh de yawj. Aeu cienzmienh doicaenh hwnjguh aen gyaranz cingsaenz doxcaemh Cunghvaz Minzczuz, aeu youq mwh hagsib son'gyauq lizsij aendangj, lizsij Cungguek moq, lizsij gaijgwz hailangh, lizsij sevei cuji hwnghat, haeujlaeg cunggez gij gingniemh ndei hong minzczuz bak bi aendangj raeuz, yenzgiu gij swhsiengj youqgaen aendangj raeuz gvendaengz gyagiengz caeuq gaijndei hong minzczuz laegdaeuq bae, gyagiengz songyauq vwnzmingz daihneix, haeujlaeg saedhengz aen gunghcwngz cauulaeb vwnzmingz, hwnjguh gij daudwz goengminz, gungganq vnzmoq seizdaih daengj, dazyinx gak cuz vnzlai swhsiengj gvanhnen, cingsaenz cingzgamj, fuengsik gvaq ndwenngoengz yamq coh daihneix. Aeu doigvangq cienzdoh saw vah guekgya doengyungh, gohyoz baujhoh saw vah gak minzczuz, aeueiq caeuq baujang saw vah minzczuz vnznoix hag nem yungh.

Siz Ginbingz gangj, aeu doidoengh gak minzczuz doengzcae byaij coh sevei cuji yendaiva. Aeu laebndei gij cwngcwz doxca bae haeujcoengh gak dieg, haeujcoengh ranghdieg minzczuz cienzmienh gyalag gaijgwz hailangh, daezswng gij naengzlig gag hwnghat. Ranghdieg minzczuz aeu daj gij diuzgienh swhyenz, gij diuzgienh hwnghat, gij diuzgienh gizak daengj saedsaeh bae naemj, ra cinj gizroengzfwngz caeuq gizokrengz, rox dawz gij gaihdon hwnghat moq, gvancez gij leixniemh hwnghat moq, yungz haeuj gij gwzgiz hwnghat moq, saedyienh gij hwnghat cizlieng sang, coicaenh doengzcae fouqmiz. (*cienj banj 3*)

